



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

VI.

urn:nbn:de:hbz:466:1-11903

Senatus mandato factum, cui sacra, ritusque ordinare ex pace religiosa competat. Jam imperari preces, & indici pro eo, qui rituum aliorum Præsul, illas pro nullis habet; id & libertati Religionis contrarium, & sacris suis ludibrium esse. † Cives renitentiam Senatûs avertati, scriptum Legatis exhibuere, in quo obsequentes se declarârunt, dummodo per Curia Dominatum possent, supplicatum Numini pro Domino jam olim, salvâ id religione, salva libertate factum, proinde & post hac se oraturos. Tentant Legati spontaneam Senatûs obedientiam, tot effata testium, & majores objiciunt. Ille: versata archiva, pervoluta documenta, id quidem, quod discussis inter Moguntinum, & Urbem litigiis pro felici transactione fuerit oratum, at pro Electore preces nunquam reperiri. † Legati partibus auditis, ea intentione & modo, ut ante Germaniæ bellum, pro Electore preces Civitas offerret; decrevere.

Cives ad preces se offerunt.

Legati preces decernunt.

VI. Dissidia Senatûs & Civium aggressi.

† Simul dissidia Senatûs & Civium aggressi, ac ne multitudo litigantium omnia confunderet, nominare partes jussæ, qui verbis aliorum loquerentur. Utraque octo elegit suæ causæ oratores: Senatus Hallenhorstium, Bergerum, primos Consules, & Geislerum Reip. Advocatum, Cives Silbereschlagium, & Limprechtum nominarunt. Hos recenséo, quod potissimum studiis eorum, impetu, partim in-

con-

consultâ pertinaciâ in semet Civitas sævi-
 erit. Alii fuerunt præter oratores, qui
 clam, palam non publico bono, sed æ-
 mulatione privatâ civile incendium suffla-
 runt. Accessere Kniphovius, Brettinus:
 ille vir doctus, qui multa pro libertate
 contrâ Saxonicos ante scripserat, in hoc
 diffidio studia Senatûs promovit; hic ple-
 bis tubâ manifestissimum privati desiderii
 argumentum erat, quod nulla fœderum
 Sanctitas, non factio stabilis, sed prout
 hinc inde spēs auctæ, ad alias partes itum
 est. † Civium Oratores multis in Sena-
 tum inveci, eos qui ærario præsidet, pe-
 culatûs, aliorum criminum alios accusa-
 runt. *Mitti hinc inde ex paucorum arbitrio Lega-
 tos, qui nisi quod pecunias erogent, nihil expediant:
 illos qui nuper Monasterii fuere, quasi in id missi, in-
 gentes pecunias profudisse, nec tamen ab iis Senatuum
 rationes exigere. Vectigalia, & quæ necessitatibus
 Reip. penduntur, Senatores vel imperio declinare, vel
 dolo effugere. Arceri à Curia plebem, & cum ex
 veteri libertate, ex sanctis Quatuorviralibus literis
 tribunitia potestas, non Senatûs, sed communitatis
 voto collata fuerit, eadem Quæstores suos ærario præ-
 fecerit, hac ab electione hodie excludi. † Sena-*
 tus partim sibi falsa impûtarî, in aliis anti-
 quissimam invadi auctoritatem contendit:
 id præsertim, quod in electione Tribuno-
 rum plebis communitas votâ petat, no-
 vum esse, & Reip. moribus refragari. Pri-
 mas istius potestatis leges expressas per tu-
 multum, ab aliquot sæculis jam expirasse,
 post-

*Civium gra-
 vamina.*

*Senatus ve-
 sparsunt.*

*Legatorum
decisum.*

*Ius eligendi
quatuorvi-
ros Cæsari
submitsum.*

postquam Tribuni à Consulibus & Quatuorviris eo anno Curiâ defunctis præponi Communitati cœperint. † Cæsaris Legati indicendis vectigalibus leges dixere, Senatui potestatis modum, & singulis ea officii mandata dederunt, quæ publicam utilitatem juvarent. † De Electionis iure partium major pertinacia, quam ut mitigare Legati possent, ideò Cæsaris cognitioni remittunt, cui partes interim causæ justitiam probarent, quæ res postea novæ commissioni materiam dedit. Interea ne sine Rectoribus Civitas esset, Legati annuente populo Senatum constituunt. Mixti utriusque factionis focii, ut dissidentes animi facilius conciliarentur. Silberschlagius Consuli cum honore pari, & potestate adjunctus. Hallenhorstius, & Geislerus, quod multa in Domini injuriam egissent, ipsis etiam Legatis tentassent illudere, Senatu moti. Aliam Communitas querelam addidit, agnoscere se æquum, ut commissionis sumptus Civitas pendat, cujus utilitatem omnis labor respexerit. At meminisse Legatos, quorum dolis per sesqui mensem à negotiis abstenti, sicque protractum tempus, & aucti sumptus fuerint, iniquum fore, nisi moræ auctores natum exinde damnum ferant. Justa Communitatis desideria agnoscunt Legati, Senatores illi, qui præsidii militaris potentiam nixi commissionem impediverant, in expensis eo tempore factis Remp. sublevarent,

varent, decretum est. Negotio confecto Cæsari, quæ sint acta, quæ decreta, Legati referunt. * Is † Imperii legibus conformia iudicavit, & auctoritate Cæsarea rata voluit.

Legatorum discessum duo secuta, † quæ Rempublicam concusserunt : Litem de electione Tribunorum, & Quæstorum plebis indecisam reliquerant, cumq; plebs sua voce istos edicere vellet, præterea in

decernendo Magistratu decem vota prætenderet, Curia nullum admitteret, evenit novi Senatûs electionem impediri, & continuari per annos, quem Legati dixerant. Prorogatae dignitates invidiam, æmulationem parere, murmurare cives, obloqui etiam illi, qui pro curia prius steterant : perpetuari potestates, quas anno popularis libertas definiverit. Fuere, qui odia civium in Moguntinos hinc inflarent; intrusisse in Senatûm sua mancipia, trahi occultis artibus horum imperium, ut per eos libertatem opprimerent. Res aliud dixit, quippe ipse is Senatus, mandata, quæ à Legatis acceperat, contempsit; Regalia, superioritatem Electoris pluribus modis violavit, ac quod alterû erat, decretas preces imperare præconibus suis neglexit.

* Cæsar † his ut mederetur, ab Electore imploratus, per Legatos cognoscit. Consiliarios Joannem Philippum Bonnum, & Emmericum, qui nuper aderat, mittit,

T

ut &

* MDCLII.

A Legatis acta Cæsari probat.

VII.

Vlteriorum dissensionis semina.

* MDCLIV

Nova Cæsarea commissio.